

वि॒ंशती॒ च । तिसृ॒भिश्च॒ व॒हसे॒ त्रि॒ंशता॒ च॒ नियु॒द्भिर्वा॒यवि॒ह ता॒ वि॒मुञ्चे॒ति त॒-
 दे॒त॒स्यां वा॒यव्या॒यामृ॒चि पा॒त्राणि॒ वि॒मुच्य॑न्ते वा॒युप्र॑णे॒त्रा वै प॒शवः॒ प्रा॒णो वै वा॒-
 युः प्रा॒णेन॒ हि प॒शवश्च॑रन्ति ॥ १५ ॥ स॒ ह दे॒वेभ्यः॒ पशु॑भि॒रप॑चक्राम । तं दे॒वाः
 प्रा॒तःस॒वने॒ऽन्वम॑न्त्यन्त स॒ नोपा॑ववर्त तं मा॒ध्यन्दि॑ने स॒वने॒ऽन्वम॑न्त्यन्त स॒ ह
 नैवोपा॑ववर्त तं तृ॒तीयस॒वने॒ऽन्वम॑न्त्यन्त ॥ १६ ॥ स॒ हो॒पाव॑त्स्यन्नुवाच । य॒द्व उ॒-
 पा॒वर्ते॒य किं मे॒ ततः॒ स्या॒दिति॒ त्वयै॒वैता॒नि पा॒त्राणि॒ युज्ये॑र॒स्त्वया॒ वि॒मुच्ये॑रन्ति
 तदे॒नेनै॒तत्पा॒त्राणि॒ युज्य॑न्ते य॒दैन्द्र॑वा॒यवा॒ग्रान्प्रा॒तःस॒वने॒ गृह्णा॑त्यथै॒नेनै॒तत्पा॒त्राणि॒
 वि॒मुच्य॑न्ते यदा॒ह नियु॒द्भिर्वा॒यवि॒ह ता॒ वि॒मुञ्चे॒ति प॒शवो॒ वै नियु॑तस्तत्पशुभिरे॒-
 वैत॑त्पा॒त्राणि॒ वि॒मुच्य॑न्ते ॥ १७ ॥ स॒ यत्प्रा॒तःस॒वन॒ऽउपा॑वत्स्यत् । गाय॒त्रं वै प्रा॒तः-
 स॒वनं ब्र॑ह्म गाय॒त्री ब्रा॒ह्मणे॒षु ह॒ पश॒वोऽभ॑विष्यन्नथ यन्मा॒ध्यन्दि॑ने स॒वन॒ऽउपा॑-
 वत्स्य॒दैन्द्रं॒ वै मा॒ध्यन्दि॑न॒ऽस॒वनं क्ष॑त्रमिन्द्रः क्ष॒त्रिये॒षु ह॒ पश॒वोऽभ॑विष्यन्नथ य॒-
 त्तृ॒तीयस॒वन॒ऽउपा॑वर्तत वैश्वदे॒वं वै तृ॒तीयस॒वन॒ऽसर्व॑मिदं वि॒श्वे दे॒वास्त॑स्मादिमे॒-
 सर्व॑त्रै॒व प॒शवः॒ ॥ १८ ॥ ब्रा॒ह्मण॑म् ॥ ३ [४. १.] ॥ ॥

सौ॒म्येन॒ चरु॑णा प्र॒चर॑ति । सो॒मो वै दे॒वाना॑ऽह॒विर्धै॒तत्सो॒मयै॒व ह॒विष्क्रि॑-
 यते॒ तथा॒तः सो॒मोऽन॑तर्हि॒तो भ॑वति चरु॒र्भव॑ति चरु॒र्वै दे॒वाना॑मन्नमो॒दनो॒ हि
 चरु॑रो॒दनो॒ हि प्र॒त्यक्ष॑मन्नं तस्माच्चरु॒र्भव॑ति ॥ १ ॥ तेन न प्रा॒तःस॒वने॒ प्रच॑रति ।
 न मा॒ध्यन्दि॑ने स॒वन॒ऽएते॒ वै दे॒वानां॒ निष्के॑वल्ये स॒वने॒ यत्प्रा॒तःस॒वनं च॒ मा॒-
 ध्यन्दि॑नं च स॒वनं पि॒तृदे॒वत्यो॒ वै सो॒मः ॥ २ ॥ स॒ यत्प्रा॒तःस॒वने॒ वा प्रच॑रेत् ।
 मा॒ध्यन्दि॑ने वा स॒वने॒ सम॑द॒ ह॒ कुर्या॑द्दे॒वेभ्यश्च॒ पि॒तृभ्यश्च॒ तेन॒ तृ॒तीयस॒वने॒ प्रच॑-
 रति वैश्वदे॒वं वै तृ॒तीयस॒वनं॒ तथा॒ ह॒सम॑दं करोति॒ नानु॑वा॒क्याम॑न्वाह॒ सकृ॑दु॒-
 क्ये॒व प॒राञ्चः॒ पि॒तर॑स्तस्मा॒न्नानु॑वा॒क्याम॑न्वाह ॥ ३ ॥ अथ चतुर्गृही॒तमा॒ज्यं गृही॑-
 त्वा । आ॒श्राव्या॑ह॒ धृत॑स्य य॒जेति॒ वषट्कृ॑ते जुहोति॒ तथा॒ अतः॒ प्रा॒च्य आ॒हुत॑यो